

瓊山縣志卷之二十九

雜志志一事紀 隋以上詳府志

唐

太宗貞觀五年置瓊州郝通志

高宗乾封二年嶺南洞獠陷瓊州阮通志

武氏光宅二年流鳳閣侍郎胡元範於瓊州流

夏州都督王方翼於崖州黃通志

中宗神龍二年秋八月長流敬暉於瓊州

武三思復用事使鄭愔告敬暉等與王同皎通

謀貶暉崖州司馬三思請族誅之上可其奏大

理丞李朝隱奏稱暉等未可遽就誅夷乃長流

瓊山縣志卷二十八

暉於瓊州黃通志

順宗永貞元年貶韋執誼為崖州司戶 初執

誼常忌諱不欲人言嶺南州縣召為郎官時嘗

詣職方觀圖每至嶺南邊令去之及拜相還所

坐堂見北壁有圖不就省七八日試觀之崖州

圖也以為不祥甚惡之及坐王叔文之貶果往

崖州卒於貶所黃通志

憲宗元和十四年冬十月以楊清為瓊州刺史

容管奏安南賊楊清陷都護府殺都護李古及

妻子官屬部曲千餘人黃通志

十五年春正月貶皇甫鏞為崖州司戶市井皆

相賀是年十月嶺南奏鐮死黃通志

辛 穆宗長慶元年封憲宗第二十五子悅為瓊王

阮通志 封建表

癸 三年正月嗣郢王佐宜於崖州安置坐妄傳禁

中語也阮通志

甲 四年冬十月以崖州安置人嗣郢王佐為穎王

府長史分司東都仍賜金紫黃通志

戊 宣宗大中二年冬貶李德裕為崖州司戶舊唐書本

傳

甲 懿宗咸通五年命辛傅李趙四將部兵擒黎洞

蔣璘省於瓊山南境置忠州即今定安西南鎮

### 瓊山縣志 卷二十八

雜志事紀 二

洞中阮通志

戊 九年秋八月貶比部郎中楊知至為瓊州司馬

黃通志

甲 昭宗乾寧元年冬十月貶水部郎中劉宗魯為

崖州司戶黃通志

未 光化二年封昭宗子祥為瓊王阮通志 封建表

五代漢

癸 劉張大寶六年是時賦歛煩重米斗稅五錢阮通志

宋

太祖開寶五年廢崖州以其地并屬瓊州而收

振州為崖州郡志

寅戊太宗太平興國三年正月知廣州李符獻海外

諸城圖既通志

午壬七年夏四月流兵部尚書盧多遜於崖州黃通志

秋八月颶風壞城門州署民舍殆盡同上

卯癸真宗咸平六年五月知廣州凌策上海外諸番

地理圖同上

戌壬仁宗乾興元年秋七月貶丁謂為崖州司戶參

軍黃通志

卯丁天聖五年三月罷瓊州貢瑋瑁鼈皮紫貝既通志

辰丙神宗熙寧九年七月珠崖軍黎賊黃嬰寇詔廣

瓊山縣志卷二十八

雜志一事紀

三

南西路嚴兵備之既通志

荷花六出

己未元豐二年七月甘露降黃通志

戊壬五年八月颶風毀廬舍宋史五行志

封宗室趙仲僞為瓊王既通志封建表

辰戊哲宗元祐三年正月詔廣南西路珠崖軍開示

恩信許生黎悔過自新既通志

丑丁紹聖四年二月甲辰蘇軾責授瓊州別駕移昌

化軍安置宋史哲宗紀

亥丁徽宗大觀元年十月辛未置鎮州為靖海軍節

度宋史徽宗紀

辛政和元年十二月辛亥廢鎮州升瓊州為靖海

軍上

壬紹興二年知瓊州黃揆言今中外姦民以罪抵

死而獲貸者必盡投之海外以為兵是聚千百

虎狼而共置之一邱也一旦稔惡積釁潰裂四

出臣恐偏州之民項背不能帖席而卧也請自

今凡兇惡貸死而隸於流籍者許分之沿江諸

屯及他遠惡之地無專指海外以為兇藪庶幾

陰消潛制不至流毒偏方從之阮通志

辛酉十一年冬李光賁授建寧軍節度副使瓊州安

宋史本傳

### 瓊山縣志卷二十八

雜志二事紀

四

庚辰三十年冬十一月編管王權於瓊州黃通志

辛卯孝宗乾道七年閩人有浮海之吉陽軍者風泊

其舟抵占城其國方與古臘戰皆乘大象勝負

不能決閩人教其王當習騎射以勝之王大悅

具舟送之吉陽市得馬數十匹戰大捷明年復

來瓊州拒之憤怒大掠而歸阮通志

庚申寧宗慶元六年瓊州訛言妖星流墮民郭七家

聲如雷通判曾丰暨瓊山縣令移文驚擾後皆

坐黜阮通志

辛酉七年八月颶風毀城門公署民舍殆盡蕭志

癸酉嘉定六年冬十二月鑄丁鹽錢黃通志

丙午九年詔以宜人王氏文吳氏襲封統領三十六

宋史 嶺南

崔與之為廣西提點刑獄浮海巡珠崖秋毫無擾州縣停車裁決獎廉劾貪風采凜然瓊之人叙其事為海上澄清錄

阮通志

辛卯理宗紹定四年黎賊王居起僭號南王復大八

蕭寇志

戊寅衛王祥興元年七月趙與珞與謝明謝富守瓊

州元將阿爾哈雅遣馬成旺招之與珞率兵拒

於白沙口

阮通志

十一月瓊州民執安撫使趙與珞及冉安國黃

### 瓊山縣志 卷二十八

雜志一事紀

五

之傑謝明謝富降於元謾罵不屈元將怒皆裂

殺之

阮通志

元

己卯世祖至元十六年五月潭州行省上言瓊州宣

慰馬旺已招降海外四州尋有土寇黃威遠等

四人為亂今已擒獲詔置之極刑

元史世祖紀

朱國寶為海南四州宣慰使更弊政訓兵息民

臨高黎人李實為亂討平之黎人降者三千戶

蠻洞降者三十所

阮通志

戊辰二十五年淵里吉思討海南生黎諸洞寨明年

平之

阮通志

丙申成宗元貞二年六月海南饑發粟賑之成宗紀

九月詔以兩廣海外四州城池戍兵歲一更代往來勞苦給俸錢選良醫往治其疾病者命三

二年一更代之元史兵志

戊戌大德二年五月罷海南黎兵萬戶府及黎蠻屯

田萬戶府以其事入瓊州路軍民安撫司成宗紀

乙巳九年淋雨不息是年寇盜充斥六月以瓊州屢

經叛寇給糧一月同上

壬子仁宗皇慶元年九月瓊州黎賊嘯聚遣官招諭

仁宗紀

辛酉英宗至治元年五月遷武宗子圖卜特穆爾於

### 瓊山縣志 卷二十八

雜志一專紀

六

瓊州通鑑輯覽

甲子泰定元年正月召親王圖卜特穆爾於瓊州泰定紀

帝紀

是年饑舊志

乙丑二年八月饑賑糧一月九月諸路饑賑糧鈔有

差泰定帝紀

戊辰文宗天歷元年十一月帝謂中書省臣曰朕在

瓊州建康時撒迺皆從備極艱苦其賜鹽引六

萬俾規利以贍其家文宗紀

己巳二年三月改潛邸所幸瓊州曰乾寧八月流諸

王忽剌出海南十月改瓊州軍民安撫司為乾

寧軍民安撫司同上

生黎王高等二十餘崗皆願輸貢阮通志

庚午至順元年正月賜海南海大龍興普明寺鈔萬錠

市承業地文宗紀

黎賊王官福寇乾寧阮通志

辛未二年黎賊作亂詔江西湖廣兩省合兵討之九月

海南賊王周糾率十九崗黎蠻二萬餘人作

亂命調廣東福建兵隸湖廣行省左丞移刺四

奴統領討捕之十一月隆祥司使晃忽兒不花

言海南所建大龍興普明寺工費浩穰黎人不

勝其擾以故為亂詔湖廣行省臣瑛珞不花及

瓊山縣志 卷二十八

雜志一事紀 七

宣慰宣撫二司領其役仍命廉訪司蒞之文宗紀

甲戌順帝元統二年十月改乾寧軍民安撫司曰乾

寧安撫司順帝紀

丙午至正二十六年五原都人張賢等斬賊首裴元

貴遂復郡城賈志

戊申二十八年七月海南海北諸郡皆降於明順帝紀

明

戊申太祖洪武元年六月海南海北諸道降太祖紀

十一月升瓊州為府屬廣東郝通志繕廣東邊海

城堡華高自請行事竣至瓊州卒阮通志

癸未成祖永樂元年大旱舊志

甲申二年大旱六月蝗

乙丑七年大旱八月蝗令民捕之同上

癸卯二十一年秋八月瓊州颶風暴雨海水湧溢湮

沒廬舍孳畜居民溺死五十二人黃通志

甲寅宣宗宣德九年大饑白骨遍野黃通志

壬戌英宗正統七年秋八月辛丑雁集郡學泮池邱

濬有記記見藝文

戊寅天順二年夏四月九龍見於郡西雲數色浮之

少頃下縣署儀門盡毀絞死一婦屍肉分散轉

東北至白沙民吳振等家俱飄蕩時蜻蜓隨飛

者萬萬計俱同上

瓊山縣志 卷二十八

雜志二事紀

八

七月十六日颶風大發毀屋拔木牛馬俱倒聲

響如雷晝夜不息賈志

辛巳五年閏二月雨雹大如斗

丁酉憲宗成化十三年翰林學士邱濬修宋元續綱

目成郝通志

己亥十五年閏祿為殃自城東門災延府獄各街巷

焚燒殆盡舊志

丁未二十三年夏禮部侍郎邱濬進大學衍義補郝通志

志

己酉孝宗宏治二年西路一帶瘟疫流行死者甚眾

舊志



亥四年冬十月以禮部尙書邱濬爲文淵閣大學士參預機務同上

甲七年八月邱濬加少保戶部尙書武英殿大學士明史宰相表

乙八年二月少保大學士邱濬薨年七十六贈太傅右柱國謚文莊黃通志

丙九年八月涇洲都民詹廷縉家豕生象數日而斃同上

戊十一年十一月初昏有星自東南流於西北聲如雷蕭志

庚十三年春大旱秋大潦漂流民屋同上

瓊山縣志

卷二十八

雜志二事紀

九

辛十四年閏七月颶風潮溢平地水高七尺五行志

壬十五年十一月黎賊作亂罷廣東採珠孝宗紀

癸十六年七月廣東官軍討黎賊敗之同上

甲十七年閏四月十七日城西北五色雲見經時五月初六日颶風大作八月復作淫雨不止水泛漲田禾俱損次年大饑蕭志

丙武宗正德元年二月西廂都下田村唐翺家寢室東產靈芝一本

辛六年郡城西南濠清數月  
乙十年八月二十八日疾風自東北至瓊山溝澗田沼水隨風捲西南方一帶平地水深三尺坡

丁卯穆宗隆慶元年三月命大理寺丞海瑞祭南海

郭通志

瓊州郡堂產靈芝蕭志

壬申六年大饑

壬午神宗萬曆十年四月雷擊景賢祠柱

乙酉十三年九月大雨連旬水勢如海漂流人畜以

萬計俱同上

丙戌十四年饑發粟賑之神宗紀

丁亥十五年秋八月南京右都御史海瑞卒贈吏部

尚書諡忠介郝通志

戊子十六年五月十四日譙樓災焚火藥匠十二人

瓊山縣志卷二十八

雜志一事紀

十一

蕭志

丙申二十四年秋冬大旱斗米銀一兩八分民多饑

死舊志

丁酉二十五年春饑疫大作同上

乙巳三十三年五月二十八日亥時地震聲如雷官

民房舍塌倒殆盡郡城內死者數千人地裂沙

水湧出田地陷沒者不可勝紀調塘等都田沉

成海千頃次日午時復大震數日乃止蕭志

丙午三十四年冬大寒百物凋落六畜凍死舊志

戊申三十六年歲大饑民多流離同上

辛亥三十九年彗星見南方蕭志

丙四十四年颶風大作壞屋拔木殆盡  
丁四十五年五月初二夜有星光如電自西北墜

東南

戊四十六年三月初四早禱未時有雲從西南至

雨皆霪大如雞卵申時方止

丁熹宗天啟七年九月霜降後颶風大作推屋折

木瓊人謂之鐵颶

寅十一一年七月雷擊文廟石柱十一月天將曉有

紅光大如斗自北流南散為長芒者三炬光影

射聲如洪濤俱同上

清

瓊山縣志 卷二十八

雜志一事紀

十二

丁順治四年二月總兵官閔可義等入瓊州百姓

郊迎安堵遂定瓊州郝通志

己丑六年定安黎賊馬澄根李花臉大掠瓊澄定諸

縣

辛卯八年五月雷震府學殿前柱及縣學前柱府學

鐵香爐失所在縣學石香爐撒於泮池舊志

壬辰九年春二月設瓊州總兵官郝通志

瓊屬大饑斗米銀三兩死者不可勝紀以時遭

寇盜蹂躪田荒民耗為向來所未有蕭志

癸巳十年春五色雲見

秋七月十六日風雨交作連三晝夜河水大漲

居民濡溺無數同上

乙未十二年嚴洋禁海船無號票文引及私製二桅

以上大船在外洋貿易者俱置重典郝通志

丙申十三年大饑饑民輾轉溝壑知縣周案奉巡道

林嗣環命施粥賑之蕭志

己亥十六年夏四月朔夜半有白氣自海濱起直抵

北方其光如電將入雲際聲震如雷久之乃止

舊志

庚子十七年中嚴洋禁海濱雙桅沙船不許民間私

造違者視通賊律郝通志

辛丑十八年土賊陳仔集黨劫掠村舍總兵高進庫

瓊山縣志 卷二十八

統兵進剿平之蕭志

壬寅康熙元年遷沿海居民令徙內地五十里振貧

民之不能遷者郝通志

七月西湖傍小池產並蒂蓮舊志

甲辰三年秋八月裁瓊州府推官郝通志

冬十一月彗星見長亘天其色白經月乃滅舊志

戊申七年春正月郡西南白氣宵見經旬乃滅

辛亥十年申嚴洋禁其餘地方止令木筏捕魚不許

小艇出海郝通志

大有年

壬子十一年閏七月颶風凡六作二十七日尤甚官

民廬舍傾圮郡學櫺星門石柱摧折城垣塌十  
五丈雉堞全墮拔木淹禾十三州縣同時被災

蕭志

甲寅十三年颶風大作海水漲溢漂没人畜房屋無

算是年太饑

舊志

乙卯十四年春三月地生白毛長寸餘

蕭志

設瓊州水師副將於海口所

郝通志

丙辰十五年始命廣東提學道渡海考瓊州府歲科

兩試

櫛

丁巳十六年秋九月初五夜地震十九初昏星隕大

如毬橫飛亘天

舊志

### 瓊山縣志

#### 卷二十八

雜志一事紀

十四

黎賊那又那嘎等作亂僉事范養民督鄉兵進

剿那又那嘎皆就撫

舊志

戊午十七年春三月白氣環日地震夏大風雨

蕭志

黎賊楊鬚子等糾結海寇楊二謝昌掠海口城

舊志

己未十八年裁瓊州府通判

郝通志

庚申十九年夏四月地震秋大風雨冬白氣燭天三

旬乃滅

舊志

辛酉二十年春二月海寇楊二謝昌攻海口城據之

郡城戒嚴

舊志

三月順德總兵官蔡璋虎門副將張諭自省城

統水師渡瓊賊大半解散餘黨遁入黎黎踞數

月始平同上

秋七月啟明星晝見地震蕭志

旱饑自五月不雨至明年二月斗米銀二兩

戊王二十一年春二月饑大疫作死者載道巡道程

憲知府佟湘年詳請糶賑俱同上

亥癸二十二年秋七月裁分巡雷廉道歸分巡瓊州

道改為雷瓊道蕭志

召民墾荒總督吳興祚上言海氛既靖荒土宜

墾從之同上

冬十一月地震蕭志

### 瓊山縣志 卷二十八

雜志一事紀

十五

子甲二十三年二月展開洋禁以海氛永靖開復原

額魚課并許各海口貿易郝志

冬十一月雨雪卉木隕落椰榔枯死過半蕭志

丑乙二十四年夏六月颶風屢作城垣屋宇傾圮夏

秋間禽獸鱗介肉腹皆生蟲如蝨而細鴨卵亦

生蟲蕭志

寅丙二十五年冬十月大雨同上

卯丁二十六年五月望日郡西北藍氣亘天六月十

一日郡有物自城中飛出如縷如絲又一物如

雞卵繫其中俄而附屋宇俄而附樹木飛遊靈

山數處不知所之蕭志

瓊屬等邑自康熙十九年至二十七年積欠正供七萬一千九百兩有奇皆係丁逃地荒巡撫

朱宏祚題請蠲免郝通志

己巳二十八年春正月地震三月復震蕭志

夏瓊州鎮總兵吳啟爵剿平喃嘮諸崗開十字

人路賈志

秋七月紅氣繞日冬十一月彗星見東南經旬

乃滅舊志

壬申三十一年大有年

癸酉三十二年冬十二月赤星見東方白氣見南方

甲戌三十三年大有年

瓊山縣志卷二十九

雜志一事紀

十六

乙亥三十四年元旦雷鳴

戊寅三十七年夏五月颶風壞民廬舍

己卯三十八年夏三月旱饑地震冬十一月黎人王

振邦作亂

辛巳四十年大旱歲饑副使黃國材詳請賑之俱同上

壬午四十一年彗星見地震蕭志

癸未四十二年春大疫冬天雨霧如霜着樹皆萎檳

榔死者過半同上

丙戌四十五年夏改提學道為學院郝通

丁亥四十六年春三月大雨雹小者如拳大者如盤

海外罕見舊志

冬十月明倫堂海棠放花知縣王贊有記

見藝文

壬辰五十一年饑斗米銀四錢有奇

舊志

配雍正七年夏四月以瓊山縣縣丞移駐海口所

總督孔毓珣奏海口城商賈絡繹烟火周密奸

民易溷請將瓊山縣丞移駐稽察從之

郝通志

冬十月恭居

萬壽聖節百官公所祝釐陵水縣生黎三百四十八人

焚香叩首歡呼萬歲

庚戌八年春三月十八日五色祥雲見巡道王蟠有

賦總督郝玉麟奏聞 優詔報之

見藝文

命內外洋大小商船書刻地方字號及船戶姓

### 瓊山縣志 卷二十八

雜志事紀

十七

名從浙江總督李衛之請也

俱同上

乙卯十三年大有年斗米錢六十文

乙未乾隆四年夏六月颶風淫雨連日不止覆塌商

民船隻無數兵民房屋多被淹倒知縣杜兆觀

詳請賑恤

蕭志

辛酉六年八月颶風大作船隻房屋多損傷知縣江

日暄詳奏賑恤

乙丑十年颶風作

癸酉十八年颶風大作廟宇民房多傾圮

丙子二十一年大有年斗米錢七十文

己卯二十四年五月十六日天雨黃著衣浣之不去



入秋人多疫

乙酉三十年夏五月海口火藥局猝有聲如雷廬舍

礮位輒冲飛立盡屋址凹陷

秋八月十五日午時日華旁有五色

丁亥三十二年秋八月二十二日有龍起東方經郡

西南歸於海所過處火星相隨大樹民房多被

掃壞

戊戌三十三年夏六月颶風大作 文廟城樓俱為

摧倒民房傷毀甚多白沙港內船傷百餘隻

秋七月二十二日午時慶雲見於郡城東南

己丑三十四年米價昂貴

瓊山縣志

卷二十八

雜志一事紀

十六

壬辰三十七年冬十月初六日大水俱同上

乙未四十年夏五月初四日黃昏有星大如鷺卵自

西北徑飛東南其光燭地張志

戊申五十三年夏大旱秋大水

己酉五十四年大饑

己未嘉慶四年夏四月大水

庚申十五年五月總督百齡督師擒獲海賊烏石二

等磔之海氛悉靖

辛未十六年九月彗星見月餘乃滅

辛巳道光元年大疫

甲申四年夏四月星八月宮郡屬旱蟲大饑 自三

年九月至四年八月郡屬久遭旱災蝗蟲漫天  
遍野所過禾麥一空餓殍載道鬻男女渡海者  
以萬計巡道周鳴鸞給照令商民各處糴米來  
濟知縣干學質開倉平糶九月後米價漸平

甲十四年秋八月地震

丙十六年三月雨雹

秋嘉禾生一莖生雙穗或三穗四穗是年晚稻

豐登俱同上

配二十九年大疫三十年復疫郡城海口尤甚

己咸豐八年八月十五日颶風大作數百大樹俱

吹倒為向來所未有時稱為鐵風幸一日遂止

瓊山縣志 卷三十八

雜志二事紀

十九

損傷未甚大

辛十一年九月大水

甲同治三年郡城大瘟疫時王學使澎按試臨瓊

十三屬士子雲集死亡甚多有已取進庠未及

簪花而死者

辛十年六月二十四夜東北星隕如雨

丙光緒二年六月彗星見東南光芒橫貫半空至

八月後始滅

丁三年四月雨雹大者重二三十斤打傷人畜七

月二十七日大水

壬八年郡城瘟疫傷人以千計

癸未九年十二月至後彗星見

乙酉十一年兩廣總督張之洞奏派提督馮子材道員

楊玉書方長華開瓊州黎山大路一由定安嶺門

開道崖州樂安一由儋州南豐開通陵水寶停二

年始完工玉書卒於儋州 詳黎防

己丑十五年瘟疫多霍亂症傳染者亦難救

庚寅十六年二月初四夜郡城地震

壬辰十八年秋七月地震十一月大雨霜寒風凜冽前

所未有貧者凍死溪魚多死浮水面籊竹盡枯屯

昌一帶更寒冷

癸巳十九年春大旱數月年大凶荒

瓊山縣志卷二十八

甲午二十年四月二十九日颶風大作民房大樹多吹

倒折瓊州風災多入秋後始有今年忽作於夏四

月異矣

乙未二十一年春海口海甸白沙新埠各村鼠疫盛行

死亡千餘人棺木幾盡瓊州有鼠核之災自此年

始四月廿七日大風九月中旬大雨

丙申二十二年府城內外鼠疫死亡甚多至六月始止

丁酉二十三年四月廿旬海水清自舖前港至臨高港

數十里水清見底秋八月二十一日颶風大作三

日始息海水暴漲高數丈海口大街水深數尺港

中大小船均被打壞舖戶民房亦多倒塌沿海村

莊尤甚縣文廟重修初升梁亦被吹倒九月十月連遭水災年大凶荒

己亥二十五年冬天痘盛行嬰兒斃者以千數計間有老者染之亦斃

庚子二十六年春二月海口及沿海各村瘟疫復行如

乙未丙午之慘有一家盡歿無存者三四月沿及郡城六月始止

壬寅二十八年夏秋大旱年大凶荒

甲辰三十年秋八月廿旬霖雨數日郡城西門右邊城崩一角壓碎覃家民屋一座斃男一女二官獎銀恤之

瓊山縣志

卷二十八

雜志一事紀

五

丙午三十二年夏秋大旱年大凶荒

己酉宣統元年九月某日秋時有石隕於西方聲如震雷白氣橫空

庚戌二年四月地震十月彗星見於東北月餘始滅

辛亥三年三四月蝗食禾五月十六日午後日食忽然晝暝如夜星斗皆見有二刻久方見天日

雜志二

遺事

圖經馬伏波之平海南也命陶者為瓦器大者數石小者二三斗招黎人遺之任其所擇黎人惟取二三斗者云來時皆懸崖緣木而下取大者不能歸耳輿地紀勝

桂海虞衡志云黎母之巔雖生黎亦不能至相傳其上有壽考逸樂不與世接虎豹守險無路可扳但覺水泉甘美絕異爾初疑其言近聞之熟黎者曰村代生一壽婦主諸岐已嘗至山下有淵泉極甘旁皆果殼鳥羽盡中原所有者余

瓊山縣志 卷二十八

雜志二遺事

五十一

方知石湖之言或有據也岐乃生黎中荒昧不服王化者岐當作匏海槎餘錄

韋執誼貶崖州司戶刺史憫其羈旅乃舉前件官在朝廷頗諳公事幸期佐理勿憚糜賢參攝衛

事嶺南異物志

海南村戶在唐時已稱極盛故李贊皇詩云魚鹽家給無墟市禾黍年登有酒尊可以想其物產之饒富矣蕭志

李德裕到崖州遣段成式書曰自到崖州幸且頑健居人多養雞往往飛入官舍今且作祝雞翁

六帖據黃通志修

李德裕爲太子少保分司東都嘗召一僧問己之  
休咎僧曰公災當萬里南去曰南去遂不還乎  
僧曰當還耳公訊其事對曰相公平生當食萬  
羊今食九千五百矣所以當還者未盡五百羊  
耳公慘然而嘆曰吾師果至人耶我元和十三  
年爲丞相張公從事於此都嘗夢行晉山見山  
上盡目皆羊有牧羊者十數迎拜我我因問牧  
者牧者曰此侍御平生所食羊嘗識此夢不洩  
於人今者果如師之說耶後旬日振武節度使  
米暨遣使致書於公且饋四百羊公大驚卽召  
告其事僧嘆曰萬羊將滿公其不還乎公曰吾

瓊山縣志

卷二十八

雜志二遺事

三

不食之亦可免耶曰羊至此已爲國相所有公  
蹙然不悅旬日貶潮州司馬連貶崖州司戶

類聚詩話交趾有鬼門關其南多瘴癘去者罕得  
生還諺曰鬼門關十人去九不還唐李德裕貶  
崖州經此賦詩云一去一萬里千之千不還崖

州在何處生度鬼門關竟沒於荒裔

同上

李衛公在珠崖表弟某侍郎遣人餉以衣物公有  
書答謝之曰天地窮人物情所棄雖爲骨肉亦  
無音書平生舊知無復弔問閣老至仁念舊再  
降專人兼賜衣服器物茶藥至多開緘發紙涕  
咽難勝大海之中無人拯恤資儲蕩盡家事一

空百口嗷然往往絕食塊獨窮悴終日若饑惟  
恨垂沒之年須作餒而之鬼十月末伏枕七旬  
藥物陳褻又無醫人委命信天幸而自活書後  
云閏十一月二十日從表兄崖州司戶參軍同  
正李德裕狀侍郎十九弟案德裕以大中二年  
十月自潮州司馬貶崖州所謂閏十一月正在  
三年蓋到崖才十餘月爾而窮困苟生已如是  
唐書本傳云貶之明年卒則是此書既發之後  
旋踵下世也當是時宰相皆其怨讐故雖骨肉  
之親平生之舊皆不敢復通音問而某侍郎至  
於再遣專使其爲高義絕俗可知惜乎姓名不

瓊山縣志

卷二十八

雜志二遺事

二五

可得而考耳此帖藏禁中後出付秘閣今勒石  
於道山堂西紹興中趙忠簡公亦謫珠崖士大  
夫畏秦氏如虎無一人敢輒寄聲張淵道爲廣  
西師帥屢遣兵校持書及藥石酒麴爲餽公嘗  
答書云鼎之爲己爲人一至於此其述酸寒苦

厄之狀畧與衛公同

實退錄

元豐中李廷臣官於瓊筦有一夷人獻錦臂條上  
織成一聯云恩袍藍色動仙籍桂香浮乃仁廟  
賜進士及第詩人也廷臣以千文易之藏爲珍

寶

青鎖雜錄

容齋隨筆唐韋執誼自宰相貶崖州司戶刺史命

攝軍事行推牒詞云前件官久在朝廷頗諳公事幸期佐理勿憚廢賢當時傳以爲笑然猶未至於挫抑也盧多遜罷相流崖州知州乃爲牙校子求婚多遜不許遂侵辱之將加害不得已卒與爲婚紹興中胡邦衡銓竄新州再徙吉陽吉陽卽朱崖也軍守張生亦一右列指使遇之亡狀每旬呈必令囚首詣廷之邦衡盡禮事之至作五十韻詩爲其生日壽性命之憂朝不謀夕是時黎酋聞邦衡名遣子就學其居去城三十里嘗邀致入山見軍守者荷枷緋西廡下酋指而語曰此人貪虐已甚吾將殺之先生以爲

瓊山縣志

卷二十八

雜志二遺事

三五

何如邦衡曰其死有餘罪果若此足以洗一邦怨心然旣蒙垂問切有獻焉賢郎所以相從者爲何事哉當先知君臣上下之名分此人固亡狀要之爲一州主所謂邦君也欲訴其過合以告海南安撫司次至廣西經畧司俟其不行然後訟於樞密院今不應擅殺人也酋悟遽釋之令自書一紙引咎乃再拜而出明日邦衡歸張詣門悔謝殊感再生之恩自此待爲上客邦衡以隆興初在侍從錄所作生日詩示仲兄文安公且備言昔日事乃知去天萬里身陷九淵日與死迫古今一轍也



會稽志李孟博莊簡公之子也苦學有文紹興五  
年進士第三人及第莊簡南遷隨侍至貶所遂  
卒於瓊州未卒數月前忽夢至一處海山空濶  
樓觀特起雲霄間有軒榜曰空明先世諸父皆  
環坐其間顧指其一曰留以待汝既寤知其非  
祥也未幾遂屬病臨終有雲氣起於寢冠服宛  
然自雲中冉冉升舉瓊人悉見之莊簡有詩悼  
之云脫屣塵寰委蛻蟬真形渺渺駕非烟丹臺  
路杳無歸日白玉樓成不待年宴坐我方依古  
佛空行汝去作飛仙恩深父子情難割淚滴千  
行到九泉俱同上

瓊山縣志

卷二十八

雜志二遺事

二十六

輟耕錄閩廣多種木棉紡績爲布名曰吉貝松江

府東去五十里許曰烏泥涇其地土田磽瘠民  
食不給因謀樹藝以資生業遂覓種植之初無  
踏車椎弓之製率用手剖去子綿弦竹弧置按  
間振掉成劑厥功甚艱元初時有一嫗名黃道  
婁者自崖州來乃教以做造桿彈紡績之具至  
於錯紗配色綜線挈花各有其法以故織成被  
褥帶帨其上折枝團鳳棊局字樣粲然若寫人  
旣受教競相作爲轉貨他郡歲旣就殷未幾嫗  
卒莫不感恩洒泣而共葬之又爲立祠歲時享  
之越三十年祠毀趙愚軒重立今祠復毀無人

爲劉建道妻之名日漸泯滅無聞矣黃通志

府志元帥陳謙亨家有侍女名青梅通詞翰善歌舞聲色並麗至治間文宗至潛邸慕之嘗視其家以覬窺之意不就因賦詩云自笑當年志氣豪手攀銀杏弄金桃溟南地僻無佳果問着青梅價也高

府志撒迺至治泰定間以從潛邸及廉訪兩至瓊最喜修造叢林見海南僧皆有家庭意甚不憚嘗曰何物蠻菩薩無一人天花不着身也至今習俗猶然近日法司枷號示眾彼慧者曰土蠻亦有清淨身奈結習未盡累皮布袋受此苦聞者

瓊山縣志

卷二十八

雜志一遺事

三

大笑

舊志蔡氏二女父克憲疊山仁政翼千戶長口九娘喪父越三十不嫁元亂統父兵保境東寇陳子瑚陷郡聞其智而有色欲取之九娘逃入舖錦岩被薰死舊傳子瑚至設酒迎之子瑚醉乘間逃舖錦谷子瑚醒賦詩云一笑花前醉似泥綺筵歡劇不聞雞馬蹄到此空歸去不是花迷是酒迷惆悵而歸九娘死岩中谷名與熏死皆不同一說避本部都帥陳乾富其妹嫁遵都王和守寡子瑚王簿邱田欲褫之不屈自縊死俱同

上

唐司徒胄曰洪武永樂間吾郡耆德聚於一時學  
校則唐公衡趙公謙及余榕隱曾祖諸人鄉落  
則吳公伯雄王公惠徐公普楊公升朱公繼鄭  
公觀吳公均張公善教武弁則孫公岳譙放則  
桑公慎趙公起潛董公哲孫公傳輩或鳴鼓橫  
經集冠履以講唐虞或深衣幅巾會詩酒而敦  
禮義今日風化之盛豈無自哉此夫子之賢子  
賤而必本於魯之多君子也廣於天下爲遠藩  
仕籍華秩已少况瓊於廣又爲遠郡成化二年  
秋薛公遠爲戶部尙書邢公宥爲都御史邱公  
濬爲翰林學士皆拜命在一月之內雖天下望

瓊山縣志

卷二十八

雜志二遺事

三

郡亦希真爲海外衣冠勝事

志

積善餘慶先儒論之已詳今徵之吾鄉而愈信如  
唐英之賑饑邱普之掩骨及王惠言楊升薛彥  
祥陰德有後之說豈無驗歟後英子舟孫亮相  
繼顯普之孫濬彥祥孫遠皆位極人臣鄉人若  
驗天道於三氏亦可以爲勸矣

同上

府志王文端公直洪武末隨父太守公學郡齋性  
雖端重而好遊賞民有張思惠者以染作馴其  
衙公喜其朴野每登臨必與之時郡俗村落鹽  
蜃小民家婦女多於月明中聚紡與男子歌答  
爲戲凡龍岐二水大英白沙海田諸處俱有之

號曰紡場公爲思惠所導亦遍遊觀因作紡場賦後公旣顯思惠以解役見公於京師相與作郡東語地之談連夜不息詢及場女舊事兩相於邑發嘆後思惠歸述其事余先祖因小絕寄戲公得詩屢詠而匣之曾雙溪於天順未寄邱深庵詩亦詠此事蓋其俗雖經革於正統程守瑩然餘韻猶存至成化中始無矣

黃通志

王克義永樂丙戌進士授崇仁知縣大臣薦其才有博學宏辭等語其試蓬萊春曉歌云碧雲初散扶桑樹六龍已駕羲和馭海上神山曉色分琪花瑶草濕香霧雙雙彩鳳棲梧桐啞啞相應

瓊山縣志

卷二十八

雜志四遺事

三五

朝陽東四海蒼生盡蘇息萬國如在春風中憶得當年來上國棘闈鏖戰文場屋瓊林宴罷醉扶歸不讓當時步瀛客厥來出宰十八年於今奉詔還朝天上林春色正明媚百花燦爛爭芳妍自喜生逢堯舜世愧乏涓埃酬聖帝吟咏非才丹淚垂強作狂歌歌舜治

黃通志

唐亮字景明隨父舟宦衢州游常山中浙江鄉試聯捷進士歷官詹事府主簿永樂二十二年九月十五日欽奉仁廟聖旨我在青宮時恁是我舊人先皇帝法度嚴緊恁每受了些驚怕我一向忘了爾御手親授緞子寶鈔賜羊酒米遺光

祿寺送至家當日欽陞直隸寧國府同知謝恩  
詩云內侍宣傳出建章東宮寮屬被恩光親勞  
御手分文錦又勅中官賜玉漿五品大夫名不  
忝萬年天子壽無疆小臣戀闕心常在時望彤  
雲捧玉皇

府志林桐字茂材南橋人有襟度然遇酒卽狂肆  
大醉後或着簑效古牛驚鼻囚諸飲或舞蝦蟆  
鶴鷺漁唱巫歌謹座不休一日乘醉造王處士  
瓚宅見所頓壽具大罵曰此惡物吾讐也平生  
恨見之何爲置此怒呼斧破之瓚急移置以避  
後以上舍生除章貢司訓生徒方羣謁見其醉

瓊山縣志

卷二十八

雜志二遺事

三

懸木杪皆却退桐以手招曰休避休避請看新  
掛教範士皆驚訝後值不飲時斂襟危坐議論  
英發且持廉仗義始知重之邱深庵常譬之爲  
水秋則漫山平谷折木崩岸入冬則成川爲淵  
供飲利漑俱同上

符芳以歲貢尹瀧水遷江二縣陞福建運判邱深  
庵莫逆交嘗寄書求所作曰聞君新詩多學杜  
春來花鳥添愁緒胸中太學萬卷書脚底關山  
幾程路學柳無如魯國男效西易似東家婦願  
求一破蟋蟀鳴會須爲下蟲魚註又像贊厥像  
維某曰吾老友制行罔頗存心不苟卽之者如

挹春風親之者如飲醇酒情樸而真交敬而久

陳在廷被賊林道乾執而鬻之倭倭王通文墨官

為明通事加列國通使留三年後以靖海出行

遇商船載之歸賦詩別其國王曰深入不毛非

我願縱多金玉覺心酸於今高掛雲帆去空盡

諸夷百萬觀至閩謁省學使者試遵海而南文

賞之曰異日衣冠器也為給路引還鄉

蕭志

邱文莊門人粵西蔣冕撫其師遺事云先生年七

八歲時從大父往鄉間學館適教者以鴈鴒為

題命學子作詩因屬先生作先生口占以答之

瓊山縣志

卷二十八

雜志二遺事

三

其中一聯云應與鳳凰為近侍敢同鸚鵡鬪聰

明教者驚曰是兒年少作此詩他日所就豈可

量乎遂加禮待之 先生十餘歲時作濁海歌

其詞可與吳隱之食泉詩並觀歌曰天下百川

皆清漪一流入海便成緇茫茫誰復辨涇渭混

混孰與論滄溟洪濤巨浪轟轟怒不覺己身如

穢瓠看來何似山下泉清香凜冽為人慕我向

潮頭三嘆息志欲澄清勢未及願言上帝檄天

吳一夜黑波變成碧穢瓠二字出柳文此詩聞

之瓊人瓊臺彙中不載

同上

菽園雜記閣老邱公世史正綱有云佛氏入中國

始鑄金爲像後又爲土木之偶後世祀先師亦以塑像不知始何時考史開元八年改顏子等十哲爲坐像則前此固有爲塑像者但先聖坐而諸賢皆立至此乃改立爲坐耳按晦庵先生跪坐拜說聞成都府學有漢時禮殿諸像皆席地而坐文翁猶是當時琢石所爲尤足據信及楊方子直入蜀帥幕府因使訪焉則果如所聞者且爲倣文翁石像爲土木偶觀此則先聖先師之置像蓋自漢以來已有之矣

黃通志

隆慶三年巡撫都御史海瑞疏吳淞江下流上海淤地萬四千丈有奇江面舊三十丈增開十五

瓊山縣志

卷二十八

雜志二遺事

三

丈自黃渡至宋家橋長八十里明年春瑞言三吳入海之道南止吳淞北至白茆中止劉河劉河通達無滯吳淞方在挑疏土人請開白茆計濬五千餘丈役夫百六十四萬餘又言吳淞役垂竣惟東西二壩未開父老皆言崑山夏駕口吳江長橋長洲寶帶橋吳縣胥口及凡可通流下吳淞者逐一挑畢方可開壩從之

明史河渠志

吳誠大攝人事繼母雲不得其歡心年二十五失偶遂不再娶識者謂曾參因傷伯奇之難而欲善其子王駿度無華元之賢而欲美其身其心之所感或有同然歟

天順改元薛公繼遠遠自戶部郎中起拜本部侍郎  
從人望也公博學無所不通禮樂兵刑天官律歷  
皆涉其要嘗出周禮及逸周書示予曰周禮小祝  
有寇戎之事則保郊祀於社王安石解保郊所以  
防患祀於社所以弭兵非也當作一句謂郊社同  
在一處蓋泰壇有三百步四周爲澤宮據魏儒劉  
芳言則壇有四門門外爲四郊觀觀禮大略可見  
故逸周書曰設大社於周中當四周之中立大社  
卽澤中方丘而圓其頂卽地上圓丘也大司樂冬  
日至以陽聲召陽氣其律相繼故天神降夏日至  
以陰聲召陰氣其律相生故地祇出合爲九變陰

陽相得其律相合故人鬼格此所謂大合樂非分  
祀也二至演樂則分陰陽以召驗之及祀天地配  
以后稷則同在一處乃坤順承天合同而化之義  
我太祖皇帝合祀天地最得禮意當時耆儒汪克  
寬謂祭天必及地尊可以統卑也正如人子奉養  
饋食於父必及其母豈可分別哉觀此二書則可  
見矣其言天官書以日及斗爲主語多不能盡憶  
公本廬之無爲州人祖祥洪武中工部尚書謫海  
南因家焉故舉吾廣鄉試正統壬戌進士終南京  
兵部尚書最諳國家典故所履有聲爲時名臣



王弇州史料邱文莊公夫人自南海浮江而上過  
鄱陽湖夜夢達官訶擁大舟曰吾乃翰林院編  
修戚瀾也昔與邱先生同官義不容絕特報耳  
三日後有風濤之險隻帆片櫓無存可急遷於  
岸夫人驚覺如其言移止寺中未幾江中果有  
風濤衆舟盡溺至京夫人白其事於文莊公公  
以聞於朝遣官諭祭文莊又爲文祭之補

陳白沙集贈夏進士昇詩春日春風江漾沙官船  
未發對山家山杯一舉山翁醉笑點青藜數岸  
花是當時昇與白沙往還在舟中對酌故作是  
詩贈之補

瓊山縣志

卷二十八

雜志二 遺事

三十三

海北汪提舉新作懷沙亭修古書院冷香橋於海  
上遣使歸圖并求慕竹樓記於陳白沙先生先  
生復以詩三首海邊西望海雲遮何處懷沙不  
見沙壁上畫圖君試看冷香今日落誰家忽然  
土木見經綸嶺海於今一使君忙殺多年簿書  
手可能談笑啟斯文獨憐不見竹坡翁慕竹樓  
高月已空欲點山茅照山所一瓢無計引春風

白沙集  
第十卷

隆慶六年壬申海寇肆掠由廉抵瓊自澄登岸潛  
寇定安涉建江掠博道蒼原諸鄉紳富聞風避  
寇因發棺索金歿及墳墓運司徒賜坐蒼原

赤歷之原賊鐵鎚碑獸逞威將及石墻其時天  
久亢旱數月不雨忽日色慘薄黑雲捲空倏忽  
間雷轟電掣風雨大作衆賊心悸膽落莫敢仰  
視羅拜而去張子翼記其事張事軒集中海忠介公  
有詩既歸三尺樂斯堂况有金函玉匣藏誰謂  
蓋棺占定事猶餘赫怒庇重岡丹忱貫日瑩俱  
古赤電明心山亦蒼千載智愚都幻化到來賢  
哲自洋洋詳公年譜

海忠介公成孝廉筮仕二十年復賜進士遇亦奇  
矣其文自成一家崛起不屈期適己意而止要  
其效法昔賢慷慨時事精誠不可沒也俞長城百二十

瓊山縣志卷二九

雜志二遺事 三五

名文集

邱文莊公家所藏笏與龍盃玉簪遺物瓊人咸知  
之忠介公有瓦印一方官留都時所貽後爲浙  
人所獲元和蔣徵蔚有詩云其介可以擊貪吏  
其忠可以方比干三湯死後一疏上滿朝動色  
嗟心寒市棺訣死誠如此海瑞之言無不是小  
官犯上果何爲談笑原思付西甬諫書紙上飛  
血痕此瓦豈是連城珍職司風憲亦何事不墮  
玉石崑岡焚臣言是否臣不顧再起田間清節  
固瓦全玉碎豈容心鉛刀不折名如故稜稜圭  
角風霜多有如公節不可磨紅泥鈐處色黯淡

當年手澤今如何觸邪不少懷中笏所惜讒言  
終猖獗休從地下說孤臣此卽錚錚御史骨經學

齋詩集

忠介公有仰又有硯定安莫瑞堂官川廣時購得珍

藏於家張岳崧有記鈞心堂集李熙詩云剛峯之剛世

無有其才有爲節有守諫州流傳墨亦香今得此

硯特其偶一硯何足關重輕平昔所植根柢厚疾

風知勁節何適自分不隨腐草朽親持木櫬叩上

閣有患絕不顧其後獨往獨來幾心交此硯猶得

稱石友想見淋漓潑墨時一身之外誰追隨疏上

立時觸天怒怒霽猶鑿心無私嗣皇踐位蹶復振

瓊山縣志

卷二十八

雜志 遺事

三五

身有才畧竟其施初心誓與硯同碎頓於九死志  
不移微臣既以身許國湯鑊斧鑕甘無辭端方平  
直如此硯能動天聽心何悲旣攜伴居旅次後  
隨行李任疆寄手頒條教硯何功一體江南沾大  
利硯之真贗雖難知震公大名壯公志嶸山大筆  
文琳瑯而今掃滅歸何地就使拉襍未摧燒萬人  
唾罵無所忘薰天宰相忽水山詔殺東樓走天使  
水山一倒快人心追念及公還墮淚古時寶玩無  
時無千金價值傾五都此硯流落無人識試問石  
果能言乎石旣無言知者少胡不韞匱而藏諸或  
因公名滿天下剛直上媿舉陶謨世人慕名不察

實故將小字來雕摹吾謂心有斯人在廣鼎亦是  
真規模譬如笠屐圖不一其像豈盡肖髯蘇後人  
崇拜心在是虎賁貌似稱相符但使胸中有忠介  
觸目如見休驚吁不然雖真亦奚取豪家空厠博  
古圖 王國憲詩古人遺器後人有一片簪玉誰  
寶守摩挲款識鏤剛峯得此奇珍良非偶其色蒼  
黝光精瑩其形方正質溫厚似公耿介厲廉隅節  
懸天地名不朽何時遺失五羊城定是滄桑世變  
後書農承購賞識真結翰墨緣稱介友吾思忠介  
仕學時此硯左右常相隨曾草平黎策曾議驛馬  
私曾成政事稿曾將條教施揭帖曾退都憲駕申

瓊山縣志

卷二十八

雜志二遺事

三六

文曾駁察院移慷慨上陳治安疏敢犯龍顏一死  
不辭此時與硯相話別市棺待罪何足悲嗣王  
奉詔擢不次出撫陪京重任寄辨姦疏斥羣黨  
私治水條陳萬世利無如道大世莫容乞請歸  
田遂初志硯田數畝半荒蕪書請清丈求度地  
再撫南畿貪墨驚鋤奸又中羣小忌天監孤忠  
諒無他胡不憇遺一節使此時與硯長相離編  
素萬家共灑淚吁嗟乎公之氣節古今無公之  
宦績留留都一硯何足關輕重得失於公胡爲  
乎器以人傳良不虛人因器重古有諸况助公  
成大經濟兼著文章原典謨得此卽爲希世寶

如承手澤心追慕翻嫌石交忘年友茂視往昔輕  
前模欲為珍藏永保用何如景仰齋名蘇吾生後  
公四百載癖嗜上與公同符十硯齋中無長物讀  
罷張記頻歎吁一瓣心香願私淑歌成題上傳硯  
圖

明崇禎甲午年思陵殉社稷忠介公石坊流血忠  
魂猶在不忍見有明鼎革血淚潸然其忠義為  
千古所僅見

吳寶崖曠園雜志

忠介公墓前御碑石龜託生四川李澄其母將生  
夜夢一偉丈夫言曰吾隨海忠介大人入川辨  
事權寄石龜汝母家其母敬諾忽驚醒遂生澄

瓊山縣志

卷二十八

雜志三 遺事 三七

及長將夢中之言說明謂他年若到瓊須謁海  
公墓謹記不忘澄後讀書遊幕由川入鄂由鄂  
來粵為海關掌書記派來瓊海關寄海口邀同  
事數人往謁海公墓初至墓場見古衣冠人趨  
與揖一經再視是墓前翁仲心竊異之及歸夜  
夢翁仲告曰汝遠去四川已四十餘年今宜歸  
守墓醒後背忽痛生大癰日痛一日自知不起  
因述母生時夢石龜事及謁墓時石人與揖夜  
夢囑歸守墓事語畢而卒瓊山縣陳起倬記其  
事勒碑在墓庭馮驥聲謁公墓詩專其事詩有  
曰賢令捐俸為修治樹碑兼記幽怪事謂公墳

前夙屬化精靈西入川中求託生託生今爲李  
氏子來作瓊海關掌書記其人晏嬰身短頤而  
肥夙屬形容彷彿擬未幾忠介遺墓修重將舊  
時夙屬爲雕鏤斯人便暴病背上痛不休卧對  
妻子語流涕自謂前生乃是忠介墳前一夙屬  
臨盆之夕燈影光熒熒入夢其母語分明今已  
魂魄游墟墓仍向墓前負碑去等句

詳見五指  
山樵詩存

瓊雅堂集有  
李書記傳

忠介公墨迹有讀聖賢書幹國家事八大字今藏  
在杜孝廉以寬家幹字旁蟬穿不完外間摹刻爲  
聯皆從墨迹鈎出未甚得神

瓊山縣志

卷二十八

雜志二 遺事

三

筠心堂集題跋忠介公氣節凜然有明至今數百  
年雖婦孺所隸亦耳公名願書翰罕傳市賈往  
往以惡劣筆札僞託予所見絕少真迹此書寥  
寥片簡而辭旨嚴婉字體雄勁以擬顏平原論  
坐書文詞筆畫均非貌似也莫書農同年欲重  
摹勒石爲跋數語案此忠介公上呂調陽書嘉  
慶年間莫紹德摹刻入石嵌在瓊臺書院先賢  
祠壁在今瓊崖中學校

張岳崧手摹忠介公詩翰卷題跋道光庚寅予官  
京師有持此卷索題者閱之則吾里明海忠介  
公詩跡也公氣節凜然世所欽仰詞章書迹不

足以名公故罕有知者間有流傳墨迹率多僞託公名如吾邑莫衣堂中翰所刻公楷字其筆法古樸蒼勁但尾行署名與原文不類頗以爲疑至今未能定耳此卷詩句奇崛書法出入大家游蜂歎玄鶴篇得真草遺意其餘樵溪行各篇亦深造王大令及唐賢諸名家之室平庄所見公手跡無一愜心者惟此不覺肅然起敬也夫以公之品節經濟雖片楮隻字隨手塗抹猶當俎豆奉之况詞翰高古從至性流露如此卷斷非俗手所能冒託言爲心聲字爲心畫覽此恍然髣髴見公高吟揮翰時也卷爲羊城某姓

瓊山縣志

卷二十六

雜志一 遺事 三十九

所藏以予爲公同里後學故轉託遠寄數千里求跋予愛不釋手喜得覩公生平傑作因竭數晝夜之力手摹此卷藏之以光景仰並識卷端歲在乙未四月晦日識於武昌官舍

案游蜂歎玄鶴篇樵溪行各篇公備忘集俱有此詩而樵溪行爲送鄭一鵬廷鵬給諫作筆意

超妙磊落多奇神似李杜公詩之最高古者觀岳崧跋語云詩句奇崛似前未曾見公全集僅於詩翰卷見之莫書農珍藏公備忘集殘缺之本從各鈔補始獲完璧今刻本是書農手校定

王國憲注

陳嘉猷以清節自負歷官有聲後以山東濱州別駕解組歸里大參趙大綱賦詩餞之曰傲吏甘投散高人不用名離杯傾月小別棹泛鷗輕蜃海孤雲意珠崖萬里程共推陶靖節五柳得初情俱同

月山叢談梧州山界有海灣上下五百里橫截海面且極其深乃往瓊之路當二月之交海鱸來此生育隱隱輕雲覆其上土人占知之俟風日晴煖則有小海鱸浮水面眼未啟身色赤隨波蕩漾而來卽用解艫裝載藤絲索如臂大者每三人守一莖其杪分贅逆鬚鎗頭二三枝於其

瓊山縣志

卷二十八

雜志二遺事

四

上遡流而往遇則並舉鎗中其身縱索任其去向稍定時復以前法施射一二次畢則掉船並岸創置沙灘徐收索此物初生日合無所見且忍鎗疼輕漾隨波而至漸登此處潮落閣置沙灘不能動舉家分鬻其肉作煎油用向記桂林帥遣使自雷州浮海往瓊所遇卽此物也

黃通志

月山叢談海南取沉香束茄南旋風諸香每數人合夥裹半月乾炒相與深入山中求之或一二日卽得之或半月不得徒手歸者亦有命也有香之處卽有蟻封高二三尺隨挖之則其下必有異香大抵沉香爲多亦有深入每入境內中



州水晶皆爲玩好彼處五指山傍蒲山皆是望之如雪而光采過之人取以爲假山有高至丈餘者亦不足異也

續志嘉靖庚戌文昌縣東莞客人李希易以妖術飛書稱爲神符誘瓊山愚民蒙瘴據饅頭嶺構賊黨買造兵器私設官職聲言海上有大船相迎欲抵本縣從清瀾港渡海以圖大事瓊山巡捕官率兵往勘逗遛不敢迫人心皇皇皆欲匿山航海以避其鋒或有信惑神符而欲爲之響應者時縣丞林岳訓導林士奇督合兵民多方備禦既而希易被誘至欲潛往清瀾買兵器值

瓊山縣志

卷二十八

雜志二遺事

四一

縣募民李文選率鄉兵數十人把截要路於是遂執希易送縣訐出妖幻真情械治解府其黨遂平

續志嘉靖辛卯海寇許折桂沿海劫掠瓊山官商民船○辛卯六月海寇何亞八同番賊由石礮抵白沙東瀛縱火劫村虜男婦每領產以贖無贖多鬻之番八月復至官軍陳忠言等追至雷州海康戰敵而死十二月海寇千餘人復聚白沙兵憲何元述親率士卒千餘人禦之賊酋數人登岸官軍潰走百戶尹恩軍士雷旭等戰死○甲寅聚舖前港軍士陳進等禦敵手擊數賊

而死七月颶風海寇覆舟餘黨十一人登大林  
都海岸夜抵埠頭墩殺戮居民一家殆盡官軍  
千餘人不敢進敵至文昌地面寇以饑靡官軍  
始梟首獻功是年又寇臨高縣馬島新安博舖  
黃龍等諸港知縣陳址率鄉兵黎兵邀戰賊敗  
溺死奪回被虜人口賊望風遠遁西路皆賴焉  
太守張子宏白於巡按敦文周獎之尋掠文昌  
縣濱海諸村燒毀舖前巡司鄉兵追捕有被其  
格殺分骸者力遂不支申請府道委官勘驗給  
銀埋葬修治營堡置兵守之賊又移泊清瀾海  
旁逼近所縣軍民危懼知縣張文錄發遣民兵

瓊山縣志

卷二十八

雜志二遺事

四三

分據要害縣丞夏興仁發遣鄉兵夫運木列柵  
控制咽喉並設望樓日夜巡視所官相與協力  
備禦賊知難犯遂不敢近庚子海寇登白延茂  
亭村入生員林繼統等家虜男女十餘口置諸  
舟中泊馮家灣一女恥受污辱而死時清瀾所  
官募得橫江大船數隻比至賊乃舉帆而去一  
婦丁氏復役水死至廣海地方分散各去繼統  
歷訴府道撫按白尸安節竟坐失機俱同上

雜志志三 紀異

府志唐貞觀初析崖州地立瓊州於麻奴都一圖  
大江之濱城垣治址俱具廨宇初豎一夕梁飛  
失向後覓得之於今城遂因定州治今衛基是  
朱崖境內有一島居民甚眾地無井泉海水特鹹  
取草木汁飲之號木飲州 西陽雜俎

新繁縣東湖德裕為宰日所鑿夜夢一父老曰吾  
潛形其下幸庇之明府富貴今鼎來七九之年  
當相見於萬里外後於土中掘得一墓徑數尺  
投之水中而德裕以六十三卒於崖果應七九

之識 北固山

瓊山縣志 卷二十八

雜志三紀異

四三

府志東湖在縣東一十五里博茂都故老相傳昔  
有巨室陷下為湖水深黑鄉人建廟於側其中  
有銀器人欲假則具楮疏香酒告廟少頃器浮  
出如數用畢復還人以為常後有錫器易還竟  
日不沉其人自駭以舊物還之乃沉自是不復  
出宋末鄉之老者猶言日擊其事又元時天旱  
潭中一物如杵直豎高十餘丈須臾而倒其聲  
撼動不二日大雨後遇旱郡縣即取水以禱今  
則淺矣 黃通志

府志縣北十里白沙津商舟所聚處也然淺窄不  
通大舟每秋夏颶發多風濤之虞宋自熙寧中

境多椰樹雖絕枝無陰然以株高葉叢多蓄蛇  
虫精毒故歲久數招震驚

府志郡城北濠水深碧時噴潑有一物在中成化  
初一夕乘風雨而騰墜於文昌祀所海岸郡使  
人繪其形似蒲罕而非蒲罕四足下白無指爪  
圓頭巨尾鱗仰貯水擊之噉聾卒然如牛今濠  
於起處遂淤淺

宏治十五年那邕都國子生張銓妻馮氏流姓將  
彌月忽腹下側腫奮如刀背狀未幾出河產媿  
從出今子雲龍塊然在

府志正德二年舊縣後陳奎家僕陳貴妻胎乳一

瓊山縣志

卷二十八

雜志三紀異

雷

男二女有大烏蛇盤男搖籃上母不敢近火乳  
後擊蛇死男隨亡嘉靖七年楊姓生一子鬚髮  
純白如雪雙睛如貓年二十餘斃十三年廣東  
民家有牝猪生一子其形類象

續志嘉靖十四年虹落知府王儼唐州舉人嘗嘆  
家皆在城西雖不同日而紅綠光耀無異其起  
止僅覆屋非若常虹亘天有頃而散

月山叢談嘉靖丁酉瓊州諸生應試回寓海先一  
舟過中途見一神立水面約長七餘米髮長髯  
冠劍偉然眾皆咸俯伏叩首神人語舟旁逸邈  
而去次日三舟過復見之諸生大噪以拒之神

了浪浮石在縣西元蚤民紀姓者捕魚忽有一石墜網中棄之少頃復入網紀怪而祝曰若果靈能使我多獲魚當祀汝是日得魚果倍

大王神石在蚤村都昔有老婦姚姓者浣紗於河忽一石似雞卵逆流遶其足擲之復至婦怪之攜歸行數十步漸重棄之途歸語眾共往視之石已高大不復移動眾中一人忽自跳躑謂人曰我石賢神也若等祀我當保障爾村因爲立廟祀石於中號曰石賢大王天旱祈禱立應俱同

府志龍宮潭在縣南七十里保義鄉西隅都新安

瓊山縣志

卷二十八

雜志三紀異

四十五

江中舊傳國初有一白牛時沒潭中必倦喘而出其三異之乃置刀於角後復沒見一蛟傷而浮起乃知與蛟鬪也至今風雨忽有龍出沒旱時鄉人往禱多驗黃通志

浮石在縣東符離都明洪武間水飄至白石一片屢爲妖孽鄉人廟祀之始息蕭志

府志事理亦有不可盡窮者成化丁未遷府治採鐵力木於永安截一大者爲柱中特空窾藏一活蟹建江有一石羣匠度取階礫中藏小窾忽擊裂而焰耀如電匠皆暈仆又雷破一大竹節中有跡蜿蜒如蛇狀是無須而生者必怪毒郡

忽不見須臾風大作三舟人咸溺諸生皆以帕  
聯臂並死海上

萬曆二十三年那社都山石忽自裂中有小石皆  
方形如指輒數十相連流出不絕久之乃已蕭志

康熙三十八年五六兩月有元寶從空中飛過往  
南一路而去有聲鏗鏗然前有黃旗二面中元  
寶不計其數未有黃色如紙條尾之自午至初  
未刻方止如此者兩月凡官吏兵民無不仰視  
石鯉魚在龍塘圖玉壺村後高阜土人俱言當天  
黑雲陰時遠望此魚鬚尾蠕動則雨否雖密雲  
不再採訪

瓊山縣志

卷二十八

雜志三紀異

四六

城南四里美盈村北有一仙洞洞口有大石門門  
口陰幽容得一人出入石門上刻石室仙踪四  
字石門旁明嘉靖庚戌有太守題七字對一聯  
其上土人稱洞內潤有半里許甚清潔有石棹  
石板棋子等物有漏光之所觀看甚分明道光  
初年有夜盜常躲避其中鄉人因以大石塞洞  
口外仍清幽可玩

陶山仙石 在嶺西亂石中嵌空玲瓏中有窠一  
容水斗餘久旱不涸兩旁各有人腳跡一其一  
石稍小堪輿家欲定方位羅盤一近卽方位混  
淆離遠則否

陶山地裂 嘉慶庚午年陶山牛坡中地一夜忽裂長數丈廣盈尺深莫測大雨懸流灌之不見水漲後自合

公婁石 在大橋一西園村水口中高五六尺亭亭相向四旁小石數十圍繞宛如公婁對坐子孫羅列像故名鄉人童兒難養者常於此乞養形家稱爲獅石捍門云

道光甲午年五月熒惑守心旬日乃滅識者以爲兵象

道光二十一年大林市西邊於七月間已刻有一物人面蛇身人爭睹之須臾而滅或以爲旱魃

瓊山縣志 卷二十八

雜志三紀異

四十七

之神云

道光二十三年自六月至七月有白氣如匹練自天自西入東戌時初出亥時末方滅

嘉慶丙子年暫都蓮塘村塘中出並蒂蓮二柯舉人符元禮來遊題贈瑞蓮堂匾額

咸豐二年興義圖儒屋村有民田半畝禾壘出一穀兩粒

府城東北十餘里海甸白沙一帶地方河水同海水鹹淡相參多生黃蜆貧民資以生活道光二十九年張十五犯海口有人獲一巨蜆其大如斗蜆卽移去別港咸豐五年夏間又漸復生然

比前年多寡甚是懸別

士冰寶卽海鏡也在城東七十里調塘一圓紫泥

村北有淨地一庄常產此物朝取夕復土人多

取以爲瓦鏡故相傳曰士冰寶

咸豐元年二月午後雁峯書院地震

俱同上

咸豐己未九年大路街甘家猪母生一猪六月至人

藉以取利看者納錢亦怪異也

同治己巳八年夏六月有白銀飛甚高其色艷光如

小鳥數行從北而南未久不見

光緒癸未十九年六月九日有人面蛇身之蛇見於

雷瑣道署西邊抱珥山下朱道采見其鬚白下垂

瓊山縣志卷二十八

雜志五紀異

四六

如老人見人不走轉瞬間遂不見以爲山神理或

然也

癸卯二十九年坡芋市水牛生一牛子雙頭數日乃

死

乙巳三十一年新興市產猪五足六蹄其足從頸部

發生畜有五十斤乃宰

丁未三十三年黎珠園村黃牛生一牛有麟甲次日

乃死

宣統己酉元年八月二十四日申刻有星光如火大

如箕從辰巽方流經天頂射入戌乾方如箭冲天

聲如雷震郡民均聞隨有黑氣如大柱直豎接天



頂良久而散

庚戌二年春二月初九日巳刻赤氣見於中天在太陽之西離太陽不遠良久而散三月二十日辰刻有黑氣如虹見於東方彗星亦見於東方自寅初黎明從奎宿起紅光甚遠射及牛女之界彗星之巨莫逾於此五月朔日至六日於太陽出沒時均見太陽搖動輪轉不息

瓊山縣志

卷二十八

雜志三紀異

四九

瓊山縣志卷之二十八終